



Ministry of Civil Affairs

Broj: 11-07-9-2213-VR/25
Sarajevo, 25. 4. 2025. godine

FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
DOM NARODA
Hamdije Kreševljakovića 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 30-04-2025			
Org. jed.	Broj	Priloga	Vrijednost
01-	02 -	191/	22
02-02 -		964/23	

x10

PREDMET: Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine, mišljenje - dostavlja se;

VEZA: Vaš akt broj: 01-02-191/22; 02-02-964/23 od 15. 4. 2025. godine

Poštovani,

Ministarstvo civilnih poslova Bosne i Hercegovine je zaprimilo poziv na javnu raspravu, broj i datum veze, a koji se odnosi na Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine.

U pogledu dostavljenog Nacrta Zakona o doživotnoj novčanoj naknadi zaslužnim sportistima u Federaciji Bosne i Hercegovine, Ministarstvo civilnih poslova Bosne i Hercegovine ukazuje na sljedeće:

- U članu 2. "Značenje izraza koji se koriste u zakonu", pod tačkom b) iza navedenih rezultata, potrebno je dodati I-III mjesto na Specijalnoj olimpijadi.

Naime, Ministarstvo civilnih poslova Bosne i Hercegovine je pokrenulo proceduru donošenja novog Pravilnika o kategorizaciji sportista na nivou Bosne i Hercegovine, te je nacrtom novog pravilnika predviđeno da se postojećim rezultatima iz člana 3. stav (1) pod a) važećeg pravilnika, doda i "osvojeno I-III mjesto na Specijalnoj olimpijadi.

- Takođe u članu 2. pod tačkom c) predložen je izraz "vrhunski sportista", koji se ne koristi u preostalom dijelu Nacrta Zakona.

Pravilnikom o kategorizaciji sportista na nivou Bosne i Hercegovine ("Službeni glasnik BiH", br. 52/16 i 87/16), definisane su kategorije, koje sportiste razdvajaju na zaslužne i vrhunske. Imajući u vidu da su vrhunski sportisti, prema odredbama pomenutog pravilnika, sportisti koji su i dalje aktivni takmičari, čija karijera još traje, smatramo da je ovaj izraz "vrhunski sportista" nepotreban, obzirom da se radi o Nacrtu Zakona o doživotnoj naknadi zaslužnim sportistima, te bi mogao unijeti konfuziju u pogledu ostvarivanja prava.

- U članu 4. pod nazivom "Ravnopravnost spolova", predloženo je sljedeće:
"Gramatička terminologija korištena u ovom zakonu podrazumijeva oba spola".

Mišljenja smo da bi adekvatniji naziv člana 4. bio "upotreba ženskog ili muškog roda", te da bi isti član trebao glasiti: "riječi koje su radi preglednosti navedene u jednom rodu, bez diskriminacije se odnose i na muški i na ženski rod".

Shodno navedenom, naglašavamo da Ministarstvo civilnih poslova Bosne i Hercegovine podržava donošenje predloženog zakona, imajući u vidu da bi se na taj način osigurala doživotna novčana naknada zaslužnim sportistima, kao svojevrsna nagrada za osvojene medalje i ostvarene vrhunske sportske rezultate, koje su ostvarili predstavljajući Federaciju Bosne i Hercegovine, kao i samu Bosnu i Hercegovinu na najvećim međunarodnim takmičenjima.

S poštovanjem,

SEKRETAR MINISTARSTVA

Biljana Čamur Veselinović

Dostavljeno:

- Naslovu;
- a/a.